

摘藻堂四庫全書薈要

集部

欽定四庫全書薈要

集部

御定全唐詩卷五百四十八

五至

詳校官原任主事_臣李斯咏

欽定四庫全書薈要卷一萬七千九百五十

集部

御定全唐詩卷五百四十五

劉得仁

禁署早春晴望

一本題上有奉和
翰林丁侍郎七字

御林聞有早鶯聲
玉檻春香九陌晴
寒著霽雲歸紫閣
暖浮佳氣動芳城
宮池日到冰初解
輦路風吹草欲生
鴛侶此時皆賦詠
高山雪在思尤清

山中尋道人相遇

年過弱冠風塵裏常擬隨師學鍊形石路特來尋道者
雲房空見有仙經碁於松底留殘局鶴向潭邊退數翎
便欲此居閒到老先生何日下青冥

贈敬暉助教二首

一作無
可詩

到來常聽說清虛手把玄元七字書仙籍不知名姓有
道情惟見往來疎已能絕粒無飢色早晚休官買隱居
便欲去隨為弟子片雲孤鶴可一作肯相於

街西靜觀求居處不到權門到寺頻禁掖人知連狀薦

國庠官滿一家貧清儀稱是一作都道蓬瀛客直氣堪為諫

諍臣自顧無成年漸長報恩惟願殺微身

送祖山人歸山

獨來朝市笑浮雲却憶煙霞出帝城不說金丹能點化
空教弟子學長生壺中瀉酒看雲影洞裏逢師下鶴迎
料得仙家玉牌上已鐫白日上昇名

監試蓮花峰

太華萬餘重宮堯只此峰當秋倚寥泬入望似芙蓉翠

援千尋直青危一朶穠氣分毛女秀靈有羽人蹤倒影

侵官一作關路流香激廟松塵埃終不及車馬自憧憧

京兆府試目極千里

獻賦多年客低眉恨不前一作且千此心常鬱矣縱目忽超

然送驥登長路看鴻入遠天古墟煙幕幕窮野草綿綿
樹與金城接山疑桂水連何當開霽日無物翳平川

尋陳處士山堂

步溪凡幾轉始得見幽蹤路一作地隱千根樹門一作房開

萬仞峰片雲生石竇淺水臥枯松窮谷風光冷深山翠
碧濃鶴看空裏過仙向坐中逢底露秋潭水

一作石

聲微

暮觀鐘他年來此定異日願相容且喜今歸去人間事

更一作事慵

題從伯舍人道正里南園

帝里餘新第朱門面碧岑曙堂增爽氣喬木動清陰直
去親瑤陛朝迴在竹林風流才子調好尚古人心薛荔
遮窗暗莓苔近井深禮無青草隔詩共白衣吟軒靜留

孤鶴庭虛到遠砧
掩關裁鳳詔開鏡理瓊簪
種植今如此塵埃永不侵
雲奔投刺者日日待為霖

賦得聽松聲

庭際微風動高松韻自生
聽時無物亂盡日覺神清強

與幽泉竝翻嫌

一作疑

細雨并拂空

一作雲

增

一作憎

鶴唳過

牖合

一作入

琴聲況復當秋暮偏宜在月明
不知深澗底

蕭瑟有誰聽

宿普濟寺

京寺數何窮清幽

一作開

此不同曲江臨閣北御苑

一作水

自牆東廣陌車音急危樓夕景通亂峰沈暝野毒暑過
秋空幡颺虛無裡星生杳靄中月光籠月殿蓮氣入蓮
宮綴草涼天露吹人古木風飲茶除假寐聞磬釋塵蒙
童子眠苔淨高僧話漏終待鳴

一作俄撞

曉鐘後萬井復曈

曈

和鄭校書夏日遊鄭泉

太虛懸畏景古木蔽清陰爰有泉堪挹閒思日可尋來

聞鳴滴滴照竦碧沈沈幾脉成溪壑何人測淺深澄時
無一物分處歷千林淨溉靈根藥涼浮玉翅禽飲疑蠲
宿疾見自失煩襟僧共雲前瀨龍和一作聽月下吟疊光
輕吹動徹底曉霞侵不用頻遊去令君少進心

和段校書冬夕寄題廬山

名高身未到此恨蓄多時是夕吟因話他年必去隨一本

無此嘗聞一作廬嶽頂半入楚江湄幾處懸崖上千尋

四句

當時

瀑布垂爐峰松浙瀝溼浦柳

一作棹

參差日色連湖白鐘

聲拂浪遲煙梯緣薜荔嶽寺步歌危地本饒靈草林曾
出祖師石樓霞耀壁猿樹鶴分枝細徑縈巖末高窗見
海涯嵌空寒更極寂寞夜尤思陰谷冰埋朮仙田雪覆
芝亂泉禪客瀨一作異迹逸人知蘚室新開竈檉潭未
了棋如何遂閒放長得在一作希夷一本止此無空務
漁樵事方無道路悲謝公臺尚在陶令柳潛衰塵外難
相許人間貴迹遺雖懷丹桂影不忘白雲期仁者終攜
手今朝預賦詩

書事寄萬年厲員外

帝城皆劇縣令尹美居東
遂拜趙張下斲離星象中
擁歸從北闕送上動南宮
紫禁黃山遶滄溟素滄通
封疆親日月色里出王公
賦稅充天府歌謠入聖聰
土膏寒麥覆人海晝塵蒙
解宇松連翠朝街火散紅
文場新桂茂粉署舊蘭崇
畱客揮盈爵抽毫詠早鴻
前騶潘岳貴故里卽平窮
勸隱蓮峰久期耕樹谷同
鳧飛將去葉劔氣尚埋豐
何必華陰土方垂拂拭功

上姚諫議

高文與盛德皆謂古無倫
聖代生才子明庭有諫臣
已瞻龍袞近漸向鳳池新
却憶波濤郡來時島嶼春
名因詩句大家似布衣
貧曾暗投新軸頻聞獎
滯身照吟清夕月送藥
紫霞人終計依門館何
疑不化鱗

上翰林丁學士

今代如堯代徵

一作崇

賢察衆情久聆推行寔然後佐聰

明官自文華重恩因顧問生詞人求作稱

一作稱

天子許

和羹御柳凋霜晚宮泉滴月清直廬寒漏近秋燭白麻
成玉殿移時對金輿數侍行賜衣香未散借馬色難名
時輩何偏羨儒流此最榮終當聞變理寰宇永昇平

二 一本將後四句
作下第吟絕句

何處訪歧路青雲但憶歸風塵數年恨一作限門館一生
依外族帝王是中朝親舊一作故稀翻令浮議者不許九

霄飛

山中舒懷寄上丁學士

五字投精鑿，慙非大雅詞。本求閒賜覽，豈料便蒙知。幽
拙欣殊幸，提攜更不疑。弱苗須雨長，懶翼在風吹。礪鋏
端楊葉，光門待桂枝。計聞塵裏譽，因和禁中詩。

學士有
禁中詩

早春曾
命和

鶯出谷

東風潛啓物，動息意皆新。此鳥從幽谷，依林報早春。出
寒雖未及，振羽漸能頻。稍類冲天鶴，多隨折桂人。尊前
喧一作時，有語花裏畫。藏身若向穠華處，餘禽不見親。

哭翰林丁侍郎

相知出肺腑

一作深
過等

非舊亦非親每見雲霄侶多揚鄙

拙身即期扶泰運

一作巨
聖主

豈料哭賢人應是隨先帝依

前作近臣

一本作五律
無以下八句

平生任公直愛弟尚風塵宅閉

青松古

一作
密

墳臨赤水新官清仍齒壯兒小復家貧惆

悵天難問空流淚滿巾

陳情上李景讓大夫

一被浮名誤旋遭白髮侵
衰回戀明主夢寐在秋岑
遇

物唯多感居常只是吟待時鉗定口經事壓低心辛苦

文場久因緣戚里深

親弟大中元年尚主

老迷新道路貧賣舊園

林晴賞行聞水宵碁坐見參龜畱閒去問僧約偶來尋
望喜潛憑鵲娛情願有琴此生如遂意誓死報知音上
德憐孤直唯公拔陸沈丘山恩忽被螻蟻力難任作鑒
明同日聽言重若金從茲更無限翹足俟為霖

和鄭先輩謝秩閒居寓書所懷

西風日夜吹萬木共離披近甸新晴後高人得意時暫

閒心亦泰論道面難欺把筆還詩債將琴當酒資藍衫
懸竹桁烏帽挂松枝名占文章重官歸諫憲遲生涯貧
帝里公議到台司室冷沾苔蘚門清絕路歧莫言鄰白
屋即賀立丹墀豈慮塵埃久雲霄故有期

病中晨起即事寄場中往還

昨日離塵裏今朝懶已成豈能為久隱更欲泥浮名虛
牖晨光白幽園曉氣清戴沙尋水去披霧入林行疊葉
孤禽在初陽半樹明桑麻新雨潤蘆荻古波聲易向田

家熟元于世路生病多三徑塞吟苦四鄰驚

悲老宮人

白髮宮娃不解悲滿頭猶自插花枝曾緣玉貌君王寵

一作準擬人看似舊時

村中閒步

閒共野人臨野水新秋高樹挂清暉不知塵裏無窮事
白鳥雙飛入翠微

上巳日

未敢分明賞物華十年如見夢中花遊人過盡衡門掩
獨自凭欄到日斜

省試日上崔侍郎四首

衣上年年淚

一作滴

血痕只將懷

一作幽

抱訴乾坤如今主

聖臣賢日豈致人間一物冤

如病如癡二十秋求名難得又難休回看骨肉須堪恥
一著麻衣便白頭

戚里稱儒媿小才禮闈公道此時開他人何事虛相指

明主無私不是媒

方寸終朝似火然為求白日上青天自嗟辜負平生眼
不識春光二十年

秋夜

秋氣滿堂孤燭冷清宵無寐憶山歸窗前月過三更後
細竹吟風似雨微

長門怨

爭得一人聞此怨長門深夜有妍姝早知雨露翻相悞

只插荆釵嫁匹夫

賈婦怨

嫁與商人頭欲白未曾一日得雙行任君逐利輕江海
莫把風濤似妾輕

寄友人

風颯沈思眼忽開塵埃污得是庸才那堪更見巢松鶴
飛入青雲不下來

晏起

日過辰時猶在夢客來應笑也求名浮生自得長高枕
不向人間與命爭

馬上別單于劉評事

時太和公主還京
評事罷舉起職

廟謀宏遠人難測公主生還帝感深天下底平須共喜
一時間事莫驚心

贈從弟谷

此世榮枯豈足驚相逢惟要眼長青從來不愛三閭死
今日憑君莫獨醒

別山居

萬壑千巖景象開
登臨未足又須回
憑師莫斷松間路
秋月圓時弟子來

贈道人

長在城中無定業
賣丹磨鏡兩途貧
三山來往尋常事
不省曾驚市井人

對月寄同志

霜滿中庭月在林
塞鴻頻過又更深
支頤不語相思坐

料得君心似我心

憶鶴

白絲翎羽丹砂頂
曉度秋煙出翠微
來向孤松枝上立
見人吟苦却高飛

雲門寺

上方僧又起清磬出林初
吟苦曉燈暗露零一作秋草
疎舊山多夢到流水送愁餘
寄寺欲經歲慚無親故書

中秋宿鄧逸人居

偶與山僧宿吟詩坐到明夜涼
眺月色秋渴漱泉聲磴
水如竿聳窗雲作片生
白衣閒自貴不揖漢公卿

句

外家雖是帝當路且無親

讀書志

白日只如哭黃泉免

恨無

哭賈島以下吟窗雜錄

身閒甘旨下白髮太平人
同遊

芳草寺見示白雲詩

以下海錄碎事

猶祈啟金口一為動文

權 深山寺路千層石竹杖梭鞋便可登

御定全唐詩卷五百四十五

欽定四庫全書薈要卷一萬七千九百五十一

集部

御定全唐詩卷五百四十六

權審

權審字子詢天水人累官常侍詩二首

題山院

萬葉風聲利一山秋氣寒
曉霜浮碧瓦落日度朱欄

絕句

得即高歌失即休
多悲多恨謾悠悠
今朝有酒今朝醉

明日愁來明日愁

邢羣

邢羣與杜牧同時官歙州刺史詩一首

郡中有懷寄上睦州員外杜十三兄

城枕溪流更淺斜
麗譙連帶邑人家
經冬野菜青青色
未臘山梅處處花
雖免嶂雲生嶺上
永無音信到天涯
如今歲宴從羈滯
心喜彈冠事不賒

曹汾

曹汾字道謙河南人歷忠武軍節度觀察等使戶部侍郎詩一首

早發靈芝望九華寄杜員外使君

戴月早辭三秀館
遲明初識九華峰
嵯嵯玉劍寒鋌利
裊裊青蓮翠葉重
竒狀却疑人畫出
嵐光如為客添濃
行春若到五溪上
此處褰帷正面逢

嚴暉

嚴暉字子重吳興人舉進士不第與杜牧游詩一首

落花

春光冉冉歸何處更向花前把一杯
盡日問花花不語
為誰零落為誰開

殷潛之

殷潛之自稱野人與杜牧同時詩一首

題籌筆驛

江東矜割據鄴下奪孤嫠
霸畧非匡漢宏圖欲佐誰
奏書辭後主仗劍出全師
重襲褒斜路懸開反正旗
欲將

苞有截必使舉無遺沈慮經謀際揮毫決勝時圜觚當
分畫前箸此操持山秀扶英氣川流入妙思算成功在
穀運去事終虧命屈天方厭人亡國自隨艱難推舊姓
開創極初基總歎曾過地寧探作教資若歸新厯數誰
復顧衰危報德兼明道長留識者知

祝元膺

祝元膺句曲人與段成式同時詩三首

送高遂赴舉

句曲舊宅真自產日月英既涵嶽瀆氣安無神仙名松
桂遷迤色與君相送情

寄道友

兩頷凝清霜玉爐焚天香為我延歲華得入不死鄉

夢仙謠

蟾蜍夜作青冥燭

一作鏡

蟬竦晴為碧落梯好箇分明天

上一作

路誰教深

一作移

入武陵溪

句

霧紋斑似豹水力健如龍

見張為主客圖

彭蟾

彭蟾字東蟾好學不仕詩一首

賀鄧璠使君正拜袁州

六年惠愛及黎氓大府論功俟陟明尺一詔書天上降
二千石祿世間榮新添畫戟門增峻舊躡青雲路轉平
更待皇恩醒善政碧油幢到郡齋迎

王樞

王樞浙西湖州郡判官詩一首

和嚴憚落花詩

花落花開人世夢衰榮閒事且持杯春風底事輕搖落
何似從來不要開

張希復

張希復字善繼常山人歷官集賢校理學士詩一首

詠宣律和尚袈裟

共覆三衣中夜寒披時不鎮尼師壇無因蓋得龍宮地

畦裏塵飛葉相殘

錢可復

錢可復起之孫累官禮部郎中鄭注鎮鳳翔朝選充副
使注敗遇害詩一首

鶯出谷

玉律陽和變時禽羽翮新載飛初出谷一轉已驚人拂
柳宜煙暖衝花覺露春搏風翻翰疾向日弄吭頻求友
心何切遷喬幸有因華林高玉樹棲託及芳晨

張鷟

張鷟開成中人詩一首

鷟出谷

弱柳

一作質

隨儔匹遷鷟正及春乘風音響遠映日羽毛

新已得辭幽谷還將脫俗塵駕鷟方可慕燕雀迴無鄰
遊止知難屈翻飛在此伸一枝如借便終冀託深仁

劉莊物

劉莊物開成中人詩一首

鶯出谷

幸因辭舊谷從此及芳晨欲語如調舌

一作求友

初飛似畏

人風調歸影便日暖吐聲頻翔集知無阻
聯綿貴有因
喜遷喬木近寧厭對花新
堪念微禽意關關也愛春

御定全唐詩卷五百四十六

欽定四庫全書薈要卷一萬七千九百五十二

集部

御定全唐詩卷五百四十七

朱景玄

朱景玄會昌時人官至太子諭德詩一卷今存十五首

題呂食新水閣兼寄南商州郎中

丹檻初結構孤高冠清川庭臨谷中樹簷落山上泉
曉色挂殘月夜聲雜繁絃青春去如永康樂歸何年

華山南望春

靈嶽多異狀巉巉出虛空間雲戀巖壑起滅蒼翠中皓
氣澄野水神光秘瓊宮鶴巢前林雪瀑落滿澗風春盡
花未發川迴路難窮何因著山屐鹿跡尋羊公

水閣

樓居半池上澄影共相空謝守題詩處蓮開淨碧中

迎風亭

山雨留清氣溪颿送早涼時回石門步階下碧雲光

雙櫺亭

連簷對雙樹冬翠夏無塵未肯慙桃李成陰不待春

蓮亭

回塘最幽處拍水小亭開莫怪闌干溼鷓鴣夜宿來

中峯亭

中峯上翠微窗曉早霞飛幾引登山屐春風踏雪歸

飛雲亭

上結孤圓頂飛軒出泰清有時迷處所梁棟曉雲生

四望亭

高亭羣峰首四面俯晴川每見晨光曉階前萬井煙

望蓮臺

秋臺好登望菡萏發清池半似紅顏醉凌波欲暮時

茶亭

靜得塵埃外茶芳小華山此亭真寂寞世路少人間

宿新安村步

浙浙寒流漲淺沙月明空渚徧蘆花離人偶宿孤村下
永夜聞砧一兩家

遠聞本郡行春到舊山二首

一身從宦留京邑
五馬遙聞到舊山
已領煙霞光野徑
深慚老幼候柴關

清風借響松筠外
畫隼停暉水石間
定掩溪名在圖傳
共知軒蓋此登攀

和崔使君臨發不得觀積雪

貧居稍與池塘近
旬日軒車不降來
一樹瓊花空有待
曉風看落滿青苔

句

塞鴻先秋去邊草入夏生

見酉陽雜俎

薛宜僚

薛宜僚會昌中為左庶子詩二首

別青州妓段東美

經年郵驛許安棲一會他鄉別恨迷今日海帆飄萬里
不堪腸斷對含啼

阿母桃花方似錦王孫草色正如煙不須更向滄溟望

惆悵歡情恰一年

郭圓

郭圓會昌中為劔南節度使李固言從事檢校司門員
外郎詩一首

詠韋臯

宣父從周又適秦昔賢誰少出風塵當時甚訝張延賞
不識韋臯是貴人

張延賞妻苗夫人有鑑特選韋臯為婿延賞悔之不加齒禮後臯持節西

川以代延賞延
賞曰吾不識人

崔鉉

崔鉉字台碩博陵人擢進士第累遷翰林學士中書舍人會昌三年拜中書侍郎同中書門下平章事與李德裕不叶罷為陝虢觀察使宣宗初以御史大夫召進尚書左僕射兼門下侍郎尋出為淮南節度使帝餞於太液亭賜詩寵之咸通初徙山南東道荆南二鎮封魏國公詩二首

進宣宗收復河湟詩

邊陲萬里注恩波
宇宙羣芳洽凱歌
右地名王爭解辦
遠方戎壘盡投戈
煙塵永息三秋戍
瑞氣遙清九折河
共遇聖明千載運
更觀俗阜與時和

詠架上鷹

太平廣記云鉉為兒時隨父元畧訪韓晉公澁澁指架上鷹令詠鉉吟云

云澁曰此兒可前程萬里也

天邊心膽架頭身
欲擬飛騰未有因
萬里碧霄終一去
不知誰是解條人

元晦

元晦稹之從子會昌初桂管觀察使終散騎常侍詩二
首

越亭二十韻

乏才叨八使徇祿非三顧南服頒詔條東林證迷誤未
聞述職効偶脫囂煩趣激水濬坳塘緣崖欹磴步西巖
煥朝旭深壑囊宿霧影氣爽衣巾涼颺輕杖屨臨高神
慮寂遠眺川原布孤帆逗汀煙翻鷗集江樹獨探洞府
靜恍若倥傯遇一瞬契真宗百年成妄故孱顏石戶啟

杳靄溪雲度松籟韻宮商鴛鴦勢翔遡津梁危約架濟
物虛舟渡環流馳羽觴金英妬妝嫵笳吟寒壘迴鳥噪
空山暮悵望麋鹿心低迴車馬路懸冠謝陶令褫珮懷
疏傳遐想蛻纓綉徒慙卹襦袴福盈禍之倚權勝道所
惡何必棲禪關無言自冥悟

除浙東留題桂郡林亭

紫泥遠自金鑿降朱旆翻馳鏡水頭陶令風光偏畏夜
子牟衰鬢暗驚秋西鄰月色何時見南國春光豈再

游莫遣豔歌催客醉不堪回首翠蛾愁

句

石靜如開鏡山高若聳蓮筍竿抽玉管花蔓綴金鈿

巖光

亭樓海
虞衡志

路貫

路貫與元晦同登第官桂管觀察副使詩一首

和元常侍除浙東留題

謝安致理逾三載黃霸清聲徹九重猶輟珮環歸鳳闕

且將仁政到稽峯林間立馬羅千騎池上開筵醉一鍾
共喜甘棠有新詠獨慚霜鬢又攀龍

鄭薰

鄭薰字子溥擢進士第歷宣歙觀察使懿宗初召還太
常少卿累吏部侍郎進左丞後以太子少師致仕號所
居為隱巖蒔松于庭號七松處士存詩一首

贈鞏疇并序

九華處士鞏疇擅玄言之要通易老其於淨名僧

肇尤精達余在句溪時重其能車幣而致之及到
官舍再說易一說老氏將兒侄輩執卷列坐而傳
之老氏畢業而寇難作與輩各散去不知其何如
存耶亡耶余既休居洛師鎖扉獨靜己卯冬十一
月半雪中有客叩柴門樵童視之走復曰輩處士
遽下榻開關執手話艱苦輩背簷笈草履杖靈壽
下笠且哈笑曰聞公恬養澹逸不屑于榮悴故以
玄成來助成之升榻解笈散四書即易老淨肇也

明日講肇論階前多偃松高挂冰凍墮落有琴瑟
金石聲理致明妙神骨超爽自謂一時之遇曰與
故人為徒又意此樂之難偕也遂成二十韻贈之

密雪松桂寒書窗導餘清風撼冰玉碎階前琴磬聲榻
靜几硯潔帙散縑緗明高論展僧肇精言資輩生立意
如玄虛析理分縱橫萬化悉在我一物安能驚江海何
所動丘山常自平遲速不相闕後先徒起爭鏡照分妍
醜秤稱分重輕顏容寧入鑑銖兩豈關衡蘊微道超忽

剖鐙音泠泠紙上掣牢鍵舌端搖利兵圓澈保直性客
塵排妄情有住即非住無行即是行疏越捨朱絃哇淫
鄙秦箏淡薄貴無味羊斟慙大羹洪遠包乾坤幽宵潛
沈冥罔煩跬步舉頓達萬里程廬遠尚莫曉隱留曾誤
聽直須持妙說共詣毗耶城

句

項斯逢水部誰道不關情

御定全唐詩卷五百四十七

欽定四庫全書薈要卷一萬七千九百五十三

集部

御定全唐詩卷五百四十八

薛逢

薛逢字陶臣蒲州河東人會昌初擢進士第授為萬年尉直弘文館歷侍御史尚書郎出為巴州刺史復斥蓬州尋以太常少卿召還歷給事中遷祕書監卒集十卷今編詩一卷

鑷白曲

去年鑷白鬢鏡裏猶堪認年少今年鑷白髮

一作髭

兩眼

昏昏手戰跳滿酌濃酎假顏色顏色不揚翻自笑少年
曾讀古人書本期獨善安有餘雖蓋長安一片瓦未遑
卒歲容寧居前年依亞成都府月請俸緡六十五妻兒
骨肉愁欲來偏梁閣道歸得否長安六月塵亘天池塘
鼎沸林欲燃合家慟哭出門送獨驅匹馬陵山巔到官
只是推誠信終日兢兢幸無恠丞相知憐為小心忽然
奏佩專城印專城俸入一倍多况兼職祿霜峩峩山妻

稚女悉迎到時列綠樽酣酒歌醉來便向樽前倒風月
滿頭絲皓皓雖然減得闔門憂又加去國五年老五年
老知奈何來日少去日多金鎚鎚碎黃金鑷更唱樽前
老去歌

君不見

君不見馬侍中氣吞河朔稱英雄君不見韋太尉二十
年前鎮蜀地一朝冥漠歸下泉功業聲名兩憔悴奉誠
園裏蒿棘生長興街南沙路平當時帶礪在何處今日

子孫無地耕或聞羈旅甘常調簿尉文參各天表清明
縱便天使來一把紙錢風樹杪碑文半缺碑堂摧祀連
塚象狐兔開野花似雪落何處棠梨樹下香風來馬侍
中韋太尉盛去衰來片時事人生倏忽一夢中何必深
深固權位

老去也

惆悵人生不滿百一事無成頭雪白迴看幼孫與老妻
俱是途中遠行客匣中舊鏡照膽明昔曾見我髭未生

朝巾暮櫛不自省，老皮皴皴文縱橫。
合掌髻子蒜許大，此日方知非是我。
暗數七旬能幾何，不覺中腸熱如火。
老去也爭奈何，敲酒盞唱短歌。
短歌未竟日已沒，月映西南庭樹柯。

追昔行

朝光如飛猶尚可，暮更如箭不容臥。
犍為穿城更漏頻，一一皆從枕邊過。
一夕凡幾更，一更凡幾聲。
青春枉向鏡中老，白髮虛從愁裏生。
曾窺帝里東鄰女，自比桃花

鏡中許一朝嫁得征戍兒荷戈千里防秋去去時只作
旦暮期別後生死俱不知風驚粉色入蟬鬢愁送鏡花
潛墮枝前年因出長安陌見一女人頭雪白日中扶杖
憇樹陰髣髴形容認相識向予吁嗟還獨語曾與君家
鄰舍住當時妾嫁與征人幾向牆頭誚夫主花開葉落
何推遷屈指數當三十年眉頭薙葉同枯葉琴上朱弦
成斷弦嫁時寶鏡依然在鵲影菱花滿光彩夢裏長嗟
離別多愁中不覺顏容改歎息人生能幾何喜君顏貌

未蹉跎因君下馬重相顧請奏青門腸斷歌

醉春風

去年春似今年春依舊野花愁殺人
捷為縣裏古城上開是好花飛是塵
戲蝶狂蜂相往返一枝花上聲千萬
時節先從暖處開北枝未發南枝晚
江城太守鬚髯蒼忽然置酒開華堂
歌兒舞女亦隨後暫醉始知天地長
頃年曾作東周掾同舍尋春屢開宴
斗門亭上柳如絲洛水橋邊月如練
洛陽風俗不禁街騎馬夜歸香滿懷

坐客爭吟雲碧句美人醉贈珊瑚釵日往月來何草草
今年又校三年老槽中駿馬不能騎惆悵落花开滿道
為報時人知不知看花對酒定無疑君看野外孤墳下
石羊石馬是誰家

鄰相反行

東家有兒年十五只向田園獨辛苦夜開溝水遶稻田
曉叱耕牛墾墾土西家有兒纔弱齡儀容清峭雲鶴形
涉書獵史無早暮坐期朱紫如拾青東家西家兩相誚

西兒笑東東又笑西云養志與榮名彼此相非不同調

東家自云雖苦辛躬耕早暮及所一作得及親男蠢女嬰二

十載堂上未為衰老人朝機暮織還充體餘者到兄還

及弟春秋伏臘長在家不許妻奴暫違禮爾今二十方

讀書十年取第三十餘往來途路長離別幾人便得昇

公車縱令得官一作貴身須老銜恤終天向誰道百年骨

肉歸下泉萬里枌榆長秋草我今躬耕奉所天耘鋤刈

獲當少年面上笑添今日喜肩頭薪續厨中煙縱使此

身頭雪白又有

一作見

兒孫還稼穡家藏一卷古孝經世

世相傳皆得力為報西家知不知何須謾笑東家兒生前不得供甘滑歿後揚名徒爾為

靈臺家兄古鏡歌

一尺圓潭深黑色篆文如絲人不識耕夫云住赫連城
赫連城下親耕得鏡上磨瑩一月餘日中漸見菱花舒
金膏洗拭銚音生涇盡黑雲吐出新蟾蜍人言此是千年
物百鬼聞之形暗慄玉匣曾經龍照來豈宜更鑿農夫

質有時霹靂半夜驚窗中飛電如晦明盤龍鱗長玉匣
溢牙爪觸風時有聲耕夫不解珍靈異翻懼赫連神作
崇十千賣與靈臺兄百丈靈湫坐中至溢匣水色如玉
傾兒童不敢窺泓澄寒光照人近不得坐愁雷電湫中
生吾兄吾兄須愛惜將來慎勿虛拋擲興雲致雨會有
時莫遣紅妝穢靈跡

觀競渡

一作劉禹錫詩
一作張建封詩

三月三日天清明楊花繞江啼曉鶯使君未出郡齋內

江上已聞齊和聲使君出時皆有引馬前已被紅旗陣
兩岸羅衣破鼻香銀釵照日如霜刃鼓聲三下紅旗開
兩龍躍出浮水來擢影幹波飛萬劍鼓聲劈浪鳴千雷
雷聲衝急波相近兩龍望標目如瞬江上人呼霹靂聲
竿頭綵挂虹霓暈前船搶水已得標後船失勢空揮橈
瘡眉血首爭不定輸岸一朋心似燒只將標示輸贏賞
兩岸十舟五來往須臾戲罷各東西竟脫文身讀書上
吾今細觀競渡兒何殊當路權相持不思得所各休去

會到摧舟折楫時

酬牛秀才登樓見示

旅館再經秋心煩懶上樓年光同過隙人事且隨流骨
肉憑書問鄉關託夢遊所嗟山郡酒傾盡只添憂

夏夜宴明月湖

夏夜宴南湖琴觴興不孤月搖天上桂星泛浦中珠助
照螢隨舫添盤筍迸廚聖朝思靜默堪守谷中愚

大水

暴雨逐

一作隨

驚雷從風忽驟來浪驅三島至江折二儀

開勢恐圓樞折聲疑厚軸摧冥心問元化天眼幾時回

席上酬東川嚴中丞叙舊見贈

昔記披雲日今逾二十年聲名俱是夢恩舊半歸泉朱
緩慙衰齒紅妝慘別筵離歌正淒切休更促危弦

禁火

日日冒煙塵忽忽禁火辰塞榆關水濕邊草賊迴春歲
月傷風邁瘡痍念苦辛沙中看白骨腸斷故鄉人

詠柳

弱植驚風急自傷暮來翻遣思悠揚曾飄紫一作綺陌隨

高下敢拂朱闌競短長縈砌乍飛還乍舞撲池如雪又

如霜莫令岐路頻攀折漸擬垂一作清陰到畫堂

宮詞

十二樓中盡曉妝望仙樓上望君王鎖銜金獸連環冷
水滴銅龍畫漏長雲髻罷梳還對鏡羅衣欲換更添香
遙窺正殿簾開處袍袴宮人掃御牀

長安春日

窮途日日困泥沙上苑年年好物華
荆棘不當車馬道管弦長奏綺羅家
王孫草上悠揚蝶少女風前爛漫花
嬾出任從遊子笑入門還是舊生涯

韋壽博書齋

一作溫庭筠詩

玄晏先生已白頭不隨鷓鴣狎羣鷗
元卿謝免開三選平仲朝歸臥一裘
醉後獨知殷甲子病來猶作晉春秋
塵纓未濯今如此野水無情處處流

潼關河亭

重岡如抱嶽如蹲屈曲

一作氣蹙

秦川勢自尊天地併功開

帝宅山河相湊東龍門櫓聲嘔軋中流渡柳色微茫遠
岼村滿眼波濤終古事年來惆悵與誰論

送衢州崔員外

笑分銅虎別京師嶺下山川想到時紅樹暗藏殷浩宅
綠蘿深覆偃王祠風茅向暖抽書帶露竹迎風舞釣絲
休指巖西數歸日知君已負白雲期

開元後樂

莫奏開元舊樂章樂中歌

一作高

曲斷人腸邠王玉笛三

更咽號國金車十里香一自犬戎生薊北便從征戰老
汾陽中原駿馬搜求盡沙苑年來草又芳

漢武宮辭

漢武

一作武帝

清齋夜築壇自斟明水醮仙宮殿前玉

一作童

女移香案雲

一作庭

際金人捧露盤絳節幾

一作有

時還入

夢碧桃何處

一作事

更驂鸞茂陵煙雨埋弓

一作冠

劔石馬

無聲蔓草寒

潼關驛亭

河上關門日日開
古今名利旋堪哀
終軍壯節埋黃土
楊震豐碑翳綠苔
寸祿應知需有分
一官常懼處非才
猶驚往歲同袍者
尚逐江東計吏來

五峯隱者

煙霞壁立水溶溶
路轉崖回旦暮中
鷓鴣畏人沈澗月
山羊投石挂巖松
高齋既許陪雲宿
晚稻何妨為客舂

今日見君嘉遯處悔將名利役疎慵

上吏部崔相公

龍門曾共戰驚瀾雷電浮雲出濬湍紫府有名同羽化

碧霄無路

一作伴

却泥蟠公車未結王生襪客路虛彈貢

禹冠今日鑪錘任真宰暫回風水不應難

送劉郎中牧杭州

一州橫制浙江灣臺榭參差積翠間樓下潮回滄海浪

枕邊

一作前

雲起剡溪山吳江水色連隄闊越俗春聲隔

岫還聖代牧人無遠近好將能事濟清閒

貧女吟

殘妝滿面淚闌干幾許幽情欲話難雲髻嬾梳愁折鳳
翠蛾羞照恐驚鸞南鄰送女初鳴珮北里迎妻已夢蘭
惟有深閨顛顚質年年長凭繡牀看

夜宴觀妓

燈火熒煌醉客豪捲簾羅綺艷仙桃纖腰怕束金蟬斷
鬢一作髮真髮宜簪白燕高愁傍翠蛾深八字笑回丹臉利

雙刀無因得薦陽臺夢願拂餘香到緼袍

送西川杜司空赴鎮

黑眉玄髮尚依然紫綬金章五十年
三入鳳池操國柄八分龍節付兵權
東周城闕中天外西蜀樓臺落日邊
莫遣洪鑪曠真宰九流人物待陶甄

長安夜雨

滯雨通宵又徹明百憂如草雨中生
心關桂玉天難曉運落風波夢亦驚
壓樹早鴉飛不散到窗寒鼓濕無聲

當年志氣俱消盡
白髮新添四五莖

獵騎

兵印長封入衛稀
碧空雲盡早霜微
澹川桑落鷗初下
渭曲禾收兔正肥
陌上管弦清似語
草頭弓馬疾如飛
豈知萬里黃雲戍
血迸金瘡臥鐵衣

金城宮

憶昔明皇初御天
玉輿頻此駐神仙
龍盤藻井噴紅艷
獸坐金牀吐碧煙
雲外笙歌岐薛醉
月中臺榭后妃眠

自從戎馬生河雒深鎖蓬萊一百年

驚秋

露竹風蟬昨夜秋百年心事付東流
明霜義分成虛話

一作語

阜俗文章惜暗投長笑李斯稱溷鼠
每多莊叟喻

犧牛五湖煙水盈歸夢蘆荻花中一釣舟

六街塵

六街塵起鼓鼙鼙馬足車輪在處通
百役並驅衣食內
四民長走路岐中年光與物隨流水
世事如花落曉風

名利到身無了日不知今古旋成空

悼古

細推今古事堪愁貴賤同歸土一丘漢武玉堂人豈在
石家金谷水空流光陰自旦還將暮草木從春又到秋
閒事與時俱不了且將身暫醉鄉遊

九華觀廢月池

一作題昭華
公主廢池館

曾發簫聲水檻前夜蟾寒沼兩嬋娟微波有恨終歸海
明月無情却上天白鳥帶將林一作簾外雪綠荷一作蘋枯

盡渚中蓮榮

一作浮

華不肯人間

一作向
莊周

住須讀莊生第

一一作南
華齊物篇

社日遊開元觀

時當水
荒之後

松栢當軒蔓桂籬古壇衰草暮風吹荒涼院宇無人到

寂寞烟霞只自知浪漬法堂餘像設水存虛殿半科儀
因求天寶年中夢故事分明載折碑

九日曲池遊眺

陌上秋風動酒旗江頭絲竹競相追正當海晏河清日

便是修文偃武時
繡轂盡為行樂伴
艷歌皆屬太平詩
微臣幸忝頒堯曆
一望郊原愜所思

九日郡齋有感

白日貪長夜更長
百般無意更思量
三冬不見秦中雪
九日唯添鬢畔霜
霞泛水文沈暮色
樹凌金氣發秋光
樓前野菊無多少
一雨重開一番黃

九日嘉州發軍亭即事

三江分注界平沙
何處雲山是我家
舞鶴洲中翻白浪

掬金灘上折黃花不愁故國歸無日却恨浮名苦有涯
向暮酒酣賓客散水天狼籍變餘霞

九日雨中言懷

饒果盈前益自愁那堪風雨滯刀州單牀冷席他鄉夢
紫櫟黃花故國秋萬里音書何寂寂百年生計甚悠悠
潛將滿眼思家淚灑寄長江東北流

題劔門先寄上西蜀杜司徒

峭壁橫空限一隅劃開元氣建洪樞梯航百貨通邦計

鍵閉諸蠻屏帝都西感犬戎威北狄南吞荆郢制東吳
千年管鑰誰鎔範只自先天造化爐

八月初一駕幸延喜樓看冠帶降戎

城頭旭日照闌干城下降戎綵仗攢九陌塵埃千騎合
萬方臣妾一聲歡樓臺乍仰中天易衣服初迴左袵難
清水莫教波浪濁從今赤嶺屬長安

送司徒相公赴闕

丞相銜恩赴闕時錦城寒菊始離披龍媒舊識朝天路

雞樹長虛入夢枝十載殿廷連步武兩來庸蜀撫疲羸
莫愁中土無人識自有明明聖主知

送靈州田尚書

陰風獵獵滿旗

一作旌

竿白草颼颼劒氣

一作戟

攢九姓羌

渾隨漢節六州蕃落從戎鞍霜中入塞琯弓硬

一作響

月

下翻營玉帳寒今日路傍誰不指穰苴門戶慣登壇

座中走筆送前蕭使君

笙歌慘慘咽離筵槐柳陰陰五月天未學蘇秦榮佩印

却思平子賦歸田芙蓉欲綻溪邊藥

一作臉

楊柳初迷渡

口煙自笑無成今老大送君垂淚郭門前

重送徐州李從事商隱

曉乘征騎帶犀渠醉別都門摻袂初蓮府望高秦御史

柳營官重漢尚書斬蛇澤畔人煙曉戲馬臺前樹影疎

尺組挂身何用處

一作說

古來名利盡丘墟

醉中

一作問

聞甘州

老聽笙歌亦解愁醉中因遣合甘州行追赤嶺千山外

坐想黃河一曲流日暮豈堪征婦怨路傍能結旅人愁
左綿刺史心先死淚滿朱弦催白頭

北亭醉後叙舊贈東川陳書記

二十年前事盡空半隨波浪半隨風謀身喜斷韓雞尾
辱命羞攜楚鵲一作鶴籠符竹謬分錦水外妻孥猶隔散
關東臨岐莫怪朱弦絕曾是君家入爨桐

宣政殿前陪位觀冊順宗憲宗皇帝尊一作徽號

樓頭鐘鼓遶相催曙色當衙曉仗開孔雀扇分香案出

袞龍衣動冊函來金泥照耀傳中旨玉節從容引上台
盛禮永尊徽號畢聖慈南面不勝哀

元日樓前觀仗

千門曙色鑠寒梅五夜疎鐘曉箭催寶馬占隄朝闕去
香車爭路進名來天臨玉几班初合日照金雞仗欲迴
更傍紫微瞻北斗上林佳氣滿樓臺

瞳瞳初日照樓臺漠漠祥雲雉扇開星駐冕旒三殿曉
雲翻珠翠六宮來山呼聖壽煙霞動風轉金章鳥獸迴

欲識普恩無遠近萬方歡忭一聲雷

醉中看花因思去歲之任

去歲乘輅出上京軍機旦暮促前程
狂花野草途中恨
春月秋風劍外情
愁見瘴煙遮路色
厭聞溪水下灘聲
不辭醉伴諸年少
羞對紅妝白髮生

題白馬驛

晚麥芒乾風似秋
旅人方作蜀門遊
家林漸隔梁山遠
客路長依漢水流
滿壁存亡俱是夢

一作
幻

百年榮辱盡

一作
不堪愁胸中憤氣文難遣強指豐碑哭武侯

題籌筆驛

天地三分魏蜀吳武侯崛起贊訃謨身依豪傑傾心術
目對雲山演陣圖赤伏運衰功莫就皇綱力振命先祖
出師表上留遺懇猶自千年激壯夫

賀楊收作相

闕下憧憧車馬塵沈浮相次宦遊身須知金印朝天客
同是沙隄避路人威鳳偶時因瑞聖應龍無水謾通神

立門不是趨時客始向窮途學問津

元日田家

南村晴雪北村梅樹裏茅簷曉盡開
蠻榼出門兒婦去

烏龍

一作鳥飛

迎路女郎來相逢但祝新正壽對舉那愁暮

景催長笑士林因宦別一官輕是十年迴

送慶上人歸湖州因寄道儒座主

上人今去白蘋洲雲水苕溪我舊遊
夜雨暗江漁火出夕陽沈浦鴈花收
閒聽別鳥啼紅樹醉看歸僧擢碧流

若見儒公憑寄語數莖霜鬢已驚秋

早發剡山

一作趙
嘏詩

正懷何謝俯長流更覽餘封識嵯州樹色老依官舍晚
溪聲涼傍客衣秋南巖氣爽橫郭郭天姥雲晴拂寺樓
日暮不堪還上馬蓼花風起路悠悠

題春臺觀

殿前松柏晦蒼蒼杏遶仙壇水遶廊垂露額題精思院
博山爐裏降真香苔侵古碣迷陳事雲到中峯失上方

便擬尋溪弄花去洞天誰更待劉郎

春晚東園曉思

劍外春餘日更長東園留醉樂高張松杉露滴無情淚
桃杏風飄不語香鶯戀葉深啼綠樹燕窺巢穩坐彫梁
也知留滯年華晚爭那罇前樂未央

芙蓉溪送前資州裴使君歸京寧拜戶部裴侍
郎

桑柘林枯麩麥乾欲分離袂百憂攢臨溪莫話前途遠

舉酒須歌後會難
薄宦未甘霜髮改
夾衣猶耐水風寒
遙知阮巷歸寧日
幾院兒童候馬看

伏聞令公疾愈對見延英
因有賀詩遠封投獻
吉語云云海外傳
令公疾愈起朝天
皇風再扇寰區內
人鏡重開日月邊
光啟四門通壽域
深疏萬頃溉情田
陪臣自訝迷津久
願識方舟濟巨川

題獨孤處士村居

江上園廬荆作扉
男驅耕犢婦鳴機
林巒當戶爲蘿暗

桑柘繞村薑芋肥幾畝稻田還謂業兩間
菰舍亦言歸何如一被風塵染到老云云相是非

題上皇觀

狂寇窮兵犯帝畿上皇曾此振戎衣
門前衛士傳清警砌下奚官掃翠微
雲駐壽宮三洞啟日迴仙仗六龍歸
當時丹鳳銜書處老栢蒼蒼已合圍

奉和僕射相公送東川李支使歸使府夏侯相

公

兩地交通布政和上台深喜使星過歡留白日千鍾酒
調入青雲一曲歌寒柳翠添微雨重臘梅香綻細枝多
平津萬一言卑散莫忘高松寄女蘿

送封尚書節制興元

大封茅土鎮襄中醉出都門殺氣雄陌上晚花迎虎節
馬前新月學彎一作弓珂臨響澗聲先合旆到春山色
更紅欲識真心報天子滿旗全是發生風

送西川梁常侍之新築龍山城并錫賚兩州刺

史及部落酋長等

聖主憂夷貊屯師翦東欽

浪吉一名東欽

皇家思眷祐星使忽

登臨用命期開國違天必釁碁化須均草樹恩不間飛

沈東馬凌蒼壁捫蘿上碧岑瘴川風自熱劔閣氣長陰

迅瀨從天急喬松入地深仰觀唯一逕俯瞰即千尋水

作新城帶山為故壘襟東開洞君聽南闢納蠻心渥澤

濡三部

謂三王部落

衣冠化雨

一作兩

林帶文雕白玉符理篆

黃金鳥道通邛僊星纏過崑崙參迴軒如

一作知

睿獎休作

苦辛吟

河滿子

繫馬宮槐老持杯店菊黃故交今不見流恨滿川光

題黃花驛

孤戍迢迢蜀路長鳥鳴山館客思鄉更看絕頂煙霞外
數樹巖花照夕陽

涼州詞

昨夜蕃兵一作軍報國讐沙州都護破涼州黃河九曲今歸

漢塞外縱橫戰血流

嘉陵江

備問嘉陵江水湄百川東去爾西之但教清淺源流在

天一作得路朝宗會有期

觀獵

馬縮寒毛鷹落臙角弓初暖箭新調平原踏盡無禽出
竟日翻身望碧霄

狼煙

三道狼煙過磧來
受降城上探旗開
傳聲却報邊無事
自是官軍入抄回

俠少年

綠眼胡鷹踏錦鞵
五花驄馬白貂裘
往來三市無人識
倒把金鞭上酒樓

感塞

滿塞旌旗鎮上遊
各分天子一方憂
無因得見哥舒翰
可惜西山十八州

聽曹剛彈琵琶

禁曲新翻下玉都
四弦振觸五音殊
不知天上彈多少
金鳳銜花尾半無

定山寺

十里松蘿映碧苔
一川晴色鏡中開
遙聞上界翻經處
片片香雲出院來

越王樓送高梓州入朝

乘遞初登建外州
傾心喜事富人侯
方當游藝依仁日

便到攀轅臥轍秋容聽巴歌消子夜許陪仙躅上危樓
欲知恨戀情深處聽取長江旦暮流

送李蘊赴鄭州因獻盧郎中

以下九首並見趙嘏集

僕射陂西想到時滿川晴色見旌旗馬融閒臥笛聲遠
王粲醉吟樓影移幾日賦詩秋水寺經年草詔白雲司
唯君此去人多羨却是恩深自不知

送裴評事

塞垣從事識兵機只擬平戎不擬歸入夜笳聲含白

一作

素髮報秋榆葉落征衣城臨一作連戰壘黃雲晚馬渡寒

沙夕照微此別

一作別後

不應書斷絕滿天霜雪有鴻飛

送沈單作尉江都

一作許潭詩

煬帝都城春水邊笙歌夜上木蘭船三千宮女自塗地
十萬人家如洞天焰焰花枝官舍晚重重雲影寺牆連
少年作尉須矜慎莫向樓前墜馬鞭

送薛耽先輩歸謁漢南

雲繞千峰驛路長謝家聯句待檀郎手持碧落新攀桂

月在東軒舊選牀
幾日旌幢延駿馬
到時冰玉動華堂
孔門多少風流處
不遣顏回識醉鄉

送同年鄭祥先輩歸漢南

時恩門相
公鎮山南

年來驚喜兩心知
高處同攀次第枝
人倚繡屏閒賞夜
馬嘶花徑醉歸時
聲名本自文章得
藩溷曾勞筆硯隨
家去恩門四千里
只應從此夢旌旗

李先輩擢第東歸有贈送

金榜前頭無是非
平人分得一枝歸
正憐日暖雲飄路

何處宴迴風滿衣門掩長淮心更遠渡連芳草馬如飛
茂陵自笑猶多病空有書齋在翠微

送韓絳歸淮南寄韓綽先輩

島上花枝繫釣船隋家宮畔水連天江帆自落鳥飛外
月觀靜依春色邊門巷草生車轍在朝廷恩及鴈行聯

相逢且

一作莫

問昭

一作揚

州事曾鼓壯盆對浙川

送盧緘歸揚州

曾向雷塘寄掩扉荀家燈火有餘輝關河日暮望空極

楊柳渡頭人獨一作未歸隋苑荒臺風裏裏灞陵殘雨夢依

依今年春色還相悞為我江邊謝釣磯

送剡客

兩重江外片帆斜數里林塘遶一家門掩右軍餘水石

路橫諸謝舊煙霞扁舟幾處逢溪雪長笛何人怨一作思

柳花若到天台洞陽觀葛洪丹井一作竈在雲涯

涼州詞

第一首第三句缺一字

千里東歸客無心憶舊遊挂帆遊綠水高枕到青州

君住孤山下煙深夜徑長
轅門渡綠水遊苑繞垂楊
樹發花如錦鶯啼柳若絲
更遊懽宴地愁見別離時

送蕭俛相公歸山

一作趙
諤詩

眼前軒冕是鴻毛
天上人情謾自勞
脫却朝衣便東去
青雲不及白雲高

石膏枕

表裏通明不假彫
冷於春雪白於瑤
朝來送在涼牀上
只怕風吹日炙銷

句

草荒留客院泥臥餵生臺

遊廢寺 以下見海錄碎事

碧碎鴛鴦

瓦香埋菡萏鑪

初日暉暉上彩旒

金鞍俯鞚塵開

處銀鐫離弦中處聲

獵

昨日鴻毛萬鈞重今朝山岳

一朝輕


舊唐書本傳王鐸作相逢有詩云云鐸怨之

御定全唐詩卷五百四十八

謹案卷五百四十八第四頁前三行捷為縣裏古
城上刊本捷訛捷據別本改

第二十六頁前五行扁舟幾處逢溪雪刊本舟訛
州據原集改





總校官庶吉士臣張能照

校對官庶吉士臣許兆椿

謄錄舉人臣胡鼎蓉

欽定四庫全書薈要

集部

御定全唐詩卷五百

四十九
五十

詳校官原任主事臣李斯咏



欽定四庫全書薈要卷一萬七千九百五十四

具部

御定全唐詩卷五百四十九

趙嘏

字承祐山陽人會昌二年登進士第大中間任至

渭南尉卒嘏為詩瞻美多興味杜牧嘗愛其長笛一聲人倚樓之句吟歎不已人因目為趙倚樓有渭南集三卷編年詩二卷今合編為二卷

汾

一作江

上宴別

一作許渾詩

雲物如故鄉山川知異路

一作異岐路

年來未歸客馬上春

色

一作欲

暮一尊花下酒殘日水西樹不待管絃終搖鞭

背花去

書齋雪夜

擁褐坐茅簷春晴喜初日微風入桃徑爽氣歸

一作生縹

帙頻時苦風雪就景理巾櫛樹暖高鳥來窗閒曙雲出

鄉遙路難越道塞時易失欲靜又不一作未能東山負芝

朮

寄道者

洞庭先生歸路長
海雲望極春茫茫
別來幾度向蓬島
自傍瑤臺折靈草

虎丘寺贈漁處士

蘭若雲深處
前年客重過
巖空秋色動
水濶夕陽多
早負江湖志
今如鬢髮何
唯思閒勝我
釣艇在煙波

陪崔璞侍御和崔珣音瓶春日有懷

詩家本多感
況值廣陵春
暖駐含窗日
香餘醉袖塵
浮

名皆有分一笑最關身自此容依託清才兩故人

昔昔鹽二十首

以薛道衡詩
每句為題

垂柳覆金堤

新年垂柳色嫋嫋對空閨不畏芳菲好自緣離別啼因
風飄玉戶向日映金堤驛使何時度還將贈隴西

薜蘿葉復齊

提筐紅葉下度日採薜蘿掬翠香盈袖看花憶故夫葉
齊誰復見風暖恨偏孤一被春光累容顏與昔殊

水溢芙蓉沼

淥沼春光後，青青草色濃。
綺羅驚翡翠，暗粉妬芙蓉。
雲遍窗前見，荷翻鏡裏逢。
將心託流水，終日渺無從。

一作窮

花飛桃李蹊

遠期難可託，桃李自依依。
花徑無容跡，戎裘一作裝未下

機。隨風開又落，度日掃還飛。
欲折枝枝贈，那知歸不歸。

採桑秦氏女

南陌採桑出，誰知妾姓秦。
獨憐傾國貌，不負早鶯春。
珠

履盪花濕龍鈎折桂新使君那駐馬自有侍中人

織錦竇家妻

當年誰不羨分作竇家妻錦字行行苦羅幃日日啼豈
知登隴遠祇恨下機迷直候陽關使殷勤寄海西

關山別蕩子

那堪聞蕩子迢遞涉關山腸為一作共馬嘶斷衣從淚滴
斑愁看塞上路詎惜鏡中顏儻見征西雁應傳一字還

風月守空閨

良人猶遠戍耿耿夜闈空繡戶流宵月羅幃坐晚

一作曉

風魂飛沙帳北腸斷玉關中尚自無消息錦衾那得同

恒斂千金笑

玉顏恒自斂羞出鏡臺前早惑陽城客今悲華錦筵從
軍人更遠投

一作報

喜鵲空傳夫壻交河北迢迢路幾千

長垂雙玉啼

雙雙紅淚墮度日暗中啼雁出居延北人猶遼海西向
燈垂玉枕對月灑金閨不惜羅衣濕惟愁歸意迷

蟠龍隨鏡隱

鸞鏡無由照蛾眉豈忍看不知愁髮換空見隱龍蟠那
慙紅顏改偏傷白日殘今朝窺玉匣雙淚落闌干

彩鳳逐帷低

巧繡雙飛鳳朝朝伴下帷春花那見照暮色已頻欺欲
卷思君處將啼衰淚時何年征戍客傳語報佳期

驚魂同夜鵲

萬里無人見衆情難與論思君常入夢同鵲屢驚魂孤

寢紅羅帳雙啼玉筋痕妾心甘自保豈復暫忘恩

倦寢聽晨雞

去去邊城騎愁眠掩夜閨披衣窺落月拭淚待鳴雞不
憤連年別那看長夜啼功成應自恨早晚發遼西

暗牖懸蛛網

暗中蛛網織歷亂綺窓前萬里終無信一條徒自懸分
從珠露滴愁見隙風牽妾意何聊賴看看劇斷絃

空梁落燕泥

春至今朝燕花時伴獨啼飛斜珠箔隔語近畫梁低帷
卷閒窺戶牀空暗落泥誰能長對此雙去復雙栖

前年過代北

代北幾千里前年又復經燕山雲自合胡塞草應青鐵
馬喧鼙鼓嚴一作陣蛾眉怨錦屏不知羌笛曲掩淚若為聽

今歲往遼西

萬里飛書至聞君已渡遼祇諳新別苦忘却舊時嬌烽
戍年將老紅顏日向彫胡沙兼漢苑相望幾迢迢

一去無還意

良人征絕域一去不言還
百戰攻胡虜三冬阻玉關
蕭蕭邊馬思獵獵戍旗閑
獨抱千重恨連年未解顏

那能惜馬蹄

雲中路杳杳江畔草淒淒
妾久垂珠淚君何惜馬蹄
邊風悲曉一作晚角營月怨春
鼙未道休征戰愁眉又復低

送韋處士歸省朔方

映柳見行色故山當落暉
青雲知己歿白首一身歸
滿

袖蕭關雨連沙塞雁飛到家翻有喜借取老萊衣

送權先輩歸覲信安

衣綵獨歸去一枝蘭更香馬嘶芳草渡門掩百花塘野

色亭臺晚灘聲枕簟涼小齋松島上重葉覆書堂

一作重拂

牀讀書

風蟬

風蟬旦夕鳴伴夜送秋聲故里客歸盡水邊身獨行噪

軒高樹合驚枕暮山橫聽處無人見塵埃滿甑生

重寄盧中丞

賤子來還去何人伴使君放歌迎晚醉指路上高雲此
夜雁初至空山雨獨聞別多頭欲白惆悵惜餘醺

曉發

一作姚鵠詩

旅行宜早發况復是南歸月影緣山盡鐘聲隔浦微星
殘螢共映葉落鳥驚飛去去渡南渚村深人出稀

送友人鄭州歸覲

為有趨庭戀應忘道路賒風消榮澤凍雨靜圃田沙古

陌人來遠遙天雁勢斜園林新到日春酒酌梨花

洛中逢盧郢石歸覲

不堪俱失意相送出東周緣切倚門戀倍添為客愁春
山和雪靜寒水帶冰流別後期君處靈源紫閣秋

贈越客

故國波濤隔明時心久留獻書雙闕晚看月五陵秋南
棹何當返長江憶共遊定知釣魚伴相望在汀州

經無錫縣醉後吟

客過無名姓扁舟繫柳陰窮秋南國淚殘日故鄉心京
洛衣塵在江湖酒病深何須覓陶令乘醉自橫琴

東歸道中二首

平生事行役今日始知非歲月老將至江湖春未歸傳
家有天爵主祭用儒衣何必勞知己無名亦息機

未明喚僮僕江上憶殘春風雨落花夜山川驅馬人星
星一鏡髮草草百年身此日念前事滄洲情更親

旅次商山

役役依山水何曾似問津斷崖如避馬芳樹欲留人日
夕猿鳥伴古今京洛塵一枝甘已失辜負

一作惆悵

故園春

長洲

扁舟殊不繫浩蕩路纔分范蠡湖中樹吳王苑外雲悲
心人望月獨夜雁離羣明發還驅馬關城見日曛

江邊

終日勞車馬江邊款竹扉殘花春浪闊小酒故人稀成
鼓客帆遠津雲夕照微何由兄與弟俱及暮春

一作潮

歸

宿靈巖寺

即古吳宮

明月溪頭寺蟲聲滿橘洲倚欄香徑晚移石太湖秋古

樹

一作老樹一作樹老

雲歸盡荒臺

一作荒臺

水更流無人見惆悵獨

上最高樓

越中寺居

遲客疎林下斜溪小艇通野橋連寺月高竹半樓風水
靜魚吹浪枝閒鳥下空數峰相向綠日夕郡城東

贈金剛三藏

一作許渾詩

心法云無住流沙歸復來錫隨山鳥動經附海船回洗
足柳遮寺坐禪花委苔惟將一童子又欲過天台

長安晚秋

一作秋望
一作秋夕

雲物淒涼清一作拂曙流漢家宮闕動高秋殘星幾點雁
橫塞長笛一聲人倚樓紫艷半開籬菊靜紅衣落盡渚
蓮愁鱸魚正美不歸去空戴南冠學楚囚

齊安早秋

流年堪惜又堪驚砧杵風來滿郡城高鳥過時秋色動

征帆落處暮雲平
思家正歎江南景
聽角仍含塞北情
此日沾襟念岐路
不知何處是前程

東望

一作草堂

楚江

一作練江

橫在草堂前
楊柳洲西

一作邊

載酒船兩見
梨

花歸不

一作不歸

得每逢寒食
一潛

一作雲鳥即依

然斜陽映閣山

當寺微綠含風月

一作樹

滿川同郡故人攀
桂盡把詩吟

向泐寥天

長安月夜與友人話故山

一作舊山一作故人

宅邊秋水浸苔磯
日日持竿去不歸
楊柳風多潮未落

薰葭霜冷

一作雁

初飛重嘶匹馬吟
紅葉却聽疎鐘憶

翠微今夜秦城

一作關

滿樓

一作城

月故人相見一沾衣

題橫水驛雙峰院松

一作橫水館雙松

故園溪上雪中別野館門

一作枕

前雲外逢白髮漸多何

事

一作自

苦清陰長在好相容

一作從

迎風幾拂朝天騎

蓋帶月猶含度嶺鐘
更憶葛洪丹井畔

一作側

數株臨水

欲成龍

發剡中

武德中
置嵯州

正懷何謝俯長流更覽餘封識
嵯州樹色老依官舍晚
溪聲涼傍客衣秋南巖氣爽
橫郭郭天姥雲晴拂寺樓
日暮不堪還上馬
蓼花風起路悠悠

登安陸西樓

樓上華筵日日開
眼前人事祇堪哀
征車自入紅塵去
遠水長穿綠樹來
雲雨暗更歌舞伴
山川不盡別離杯
無由併寫春風恨
欲下鄖城首重回

九日陪越州元相燕龜山寺

佳晨何處泛花遊，丞相筵開水上頭。
雙影旆搖山雨霽，

一聲歌動

裏一作

寺雲秋林光

花一作

靜帶高城晚湖

水一作

色寒分半檻流，共賀萬家逢此節。
可憐風物似瀟一作荆

州

經漢武泉

芙蓉苑裏起清秋，漢武泉聲落御溝。
他日江山映蓬鬢，二年楊柳別漁舟。
竹間駐馬題詩去，物外何人識醉遊。

盡把歸心付紅葉晚來隨水向東流

曲江春望懷江南故人

杜若洲邊人未歸水寒煙暖想柴扉故園何處風吹柳
新一作雁南來雪滿衣目極思隨原草遍浪高書到海
門稀此時愁望情多少萬里春流遠釣磯

上令狐相公

一作項
斯詩

鶚在卿雲冰在壺代天才業奉訏謨榮同伊陟傳朱戶
秀比王商入畫圖昨夜星辰回劔履前年風月滿江湖

不知機務時多暇猶許詩家屬和無

憶山陽

家在枚臯舊宅邊竹軒晴與楚坡連
芰荷香遠垂鞭袖楊柳風橫弄笛船
城礙十洲煙島路寺臨千頃夕陽川
可憐時節堪歸去花落猿啼又一年

二一作寒食遣懷

折柳城

一作磯

邊

一作起

暮

愁

可

憐

春

色

獨

懷

憂

一作羞

傷

心

正

折

柳

城

歎人間事回首更慚江上鷗鷓鴣聲中寒食雨

一作酒

笑

蓉花外夕陽樓憑高滿眼送清渭去傍故山山下流

送僧歸廬山

禪棲忽憶五峰遊去著方袍謝列侯經一作花啟樓臺千

葉曙錫含風雨一枝秋題詩片石侵雲在洗鉢香泉覆
菊流却憶前年別師處馬嘶殘月虎溪頭

贈天卿寺神亮上人師不下寺已五年

五看春盡此江濱花自飄零日自曛空有慈悲隨物一作

佛念已無蹤跡在人羣迎秋日色簷前見入夜鐘一作經

聲竹外聞笑指白蓮心自得世間煩惱是浮雲

降虜

廣武溪頭降虜稀一聲寒角怨金微河湟不在春風地
歌舞空裁雪夜衣鐵馬半嘶邊草去狼煙高映塞鴻飛
揚雄尚白相如吃今日何人從獵歸

平戎

時諫官論北虜未回天
德軍帥請修城備之

邊聲一夜殷秋聲牙帳連烽擁萬蹄武帝未能忘塞北
董生仲舒一作纜足使膠西冰橫曉渡胡兵合雪滿窮沙漠

騎迷自古平戎有良策將軍不用倚雲梯

宿楚國寺有懷

風動衰荷寂寞香斷煙殘月共蒼蒼寒生晚寺波搖壁
一作碧紅墮疎林葉滿床起雁似驚南浦棹陰雲欲護北
樓霜江邊松菊荒應盡八月長安夜正長

早發剡中石城寺

暫息勞生樹色一作日間平明機慮一作塵事又相關吟辭宿

處煙霞去一作古心負秋來水石閒竹戶半開鐘未絕松

枝靜霽鶴初還明朝一倍堪惆悵回首塵中見此山

寄歸

三年踏盡化衣塵只見一作長安不見春馬過雪街天

未曙客迷關路一作鄉遙雲樹淚空頻桃花塢換啼猿寺野竹

庭一作亭通畫鷁津早晚相一作麤酬身事了水邊歸去一

閒人

獻淮南李相公

傳巖高靜見台星廟畧當時討不庭萬里有雲歸碧落

百川無浪到滄溟
軍中老將傳兵術
江上諸侯受政經
聞道國人思再入
鎔金新鑄鶴儀形

宛陵寓居上沈大夫二首

滿耳歌謠滿眼山
宛陵城郭翠微間
人情已覺春長在
溪戶仍將水共閒
曉色入樓紅藹藹
夜聲尋砌碧潺潺
幽雲高鳥俱無事
晚伴西風醉客還

溪樹參差綠可攀
謝家雲水滿東山
能忘天上他年貴
來結林中一日閒
醉叩玉盤歌裊裊
暖鳴幽澗鳥關關

觥籌不盡須歸去路在春風縹緲間

淮信賀滕邁台州

凋瘵民思太古風上賢綏輯副宸衷
舟移清鏡禹祠北路轉翠屏天姥東
旌旆影前橫竹馬詠歌聲裏樂樵童
遙知到郡滄波晏三島離離一望中

下第寄宣城幕中諸公

一醉曾將萬事齊暫陪歡去便如泥
黃花李白墓前路
一作碧浪桓彝宅後溪
九月霜中隨計吏十年江上灌

春畦莫言春盡不惆悵自有閒眠到日西

送令狐郎中赴郢州

佐幕才多始拜侯一門清貴動神州
霜蹄曉駐秦雲斷野旆晴翻郢樹秋
幾處塵生隨候騎半江帆盡見分流
大馮罷相吟詩地莫惜頻登白雪樓

送盧緘

一作緘

歸揚州

曾向雷塘寄靜

一作靜

掩扉荀家燈火有餘輝
關河日暮望

空極楊柳渡頭人獨未

一作未

歸隋苑荒臺風裏裏灞陵殘

雨夢一作夢依依今年春色還相悞為我江邊謝釣磯

送李裴評事

一本無李字

塞垣從事識兵機只擬平戎不擬歸入夜笳聲含白一作

素髮報秋榆葉落征衣城臨一作連戰壘黃雲晚馬渡寒

沙夕照微此別一作別後不應書斷絕滿天霜雪有鴻飛

別麻氏

曉哭呱呱一作鳴動四隣于君我作負心人出門便涉一作

作東西路回首初驚枕席塵滿眼淚珠和語咽舊窓風

月更誰親分傷一作離况值花時節從此東風不似春

代人贈別

月自斜窗夢自驚衷腸中有萬愁生清猿處處三聲盡
碧落悠悠一水橫平子定情詞麗絕詩人匪石誓分明
會須攜手乘鸞去簫史樓臺在玉京

寒食新豐別友人

一百五日家未歸新豐雞犬獨依依滿樓春色傍人醉
半夜雨聲前計非繚繞溝塍含綠一作晚荒涼樹石向

川微東風吹淚對花落憔悴故交相見稀

李侍御歸山同宿華嚴寺

家有青山近玉京風流柱史早知名園林手植自含綠
霄漢眼看當去程處處白雲迷駐馬家家紅樹近流鶯
相逢一宿最高寺夜夜翠微泉

一作松落聲

今年新先輩以過密之際每有一作月讌集必資

清談書此奉賀

天上高高月桂叢分明三十一枝風滿懷春色向人動

遮路亂花迎馬紅鶴馭迴一作尚迴飄雲雨外蘭亭堂一作

不在管絃中居然自是前賢事何必青樓倚翠空

自遣

晚樹踈蟬起別愁遠人回首憶滄洲江連故國無窮恨
日帶殘雲一片秋久客轉諳時態薄多情只共酒淹留
到頭生長煙霞者須向煙霞老始休

浙東陪元相公遊雲門寺

松下山前一徑通燭迎千騎滿山川一作紅溪雲乍斂幽

高一作巖雨曉氣初高開一作大旆風小檻宴花容容醉上

方看竹與僧同歸來吹盡巖城角路轉橫塘亂水東

陪韋中丞宴扈都頭花園一作楚州宴花樓

門下外一作煙橫載酒船謝家公一作攜客醉華筵尋花偶

坐將軍樹飲水酒一作方重刺史天幾曲艷歌春色裏斷

數一作雁行高鳥一作暮雲邊分明聽得與人語願及行春

更一年

花園即事呈常一作中丞侍郎

煙煖池塘柳覆臺
百花園裏看花來
燒衣焰席三千樹
破鼻醒愁一萬杯
不肯為歌隨拍落
却因令舞帶香迴

山公仰爾延

留一作

賓客好傍春風

城一作

次第開

宿何書記先輩延福新居

松下有琴閒未收
一燈高為石

挂一作

叢留詩情似到山

家夜樹色輕含御水秋
小榼提攜終宜

一作

永日半斑一作

年容鬢漫生愁
因君撫掌問時俗
紫閣堆簷不舉頭

秦中逢王處士

一作先生

萬水東流去不迴先生獨自負仙才
藥宮橫浪海邊別鶴翅駐雲天上
來幾處吹簫森羽衛誰家殘月下樓臺
春風正好分瓊液乞取當時白玉杯

江上逢許逸人

是非處處生塵埃唯君襟抱無嫌猜
收帆依雁湓浦宿帶雨別僧衡嶽迴
芳罇稍駐落日唱醉袖更拂長雲開
清秋華髮好相似却把釣竿歸去來

和令狐補闕春日獨遊西街

左掖初辭近侍班，馬嘶尋得過街閒。
映鞭柳色微遮水，隨迎一作步花枝欲礙山。
暖泛鳥聲來席上，醉從詩句落人間。
此時失意哀吟客，更覺風流不可攀。

廣陵答崔琛

棹倚隋家舊院牆，柳金梅雪撲簷香。
朱樓映日重重晚，碧水含光灑灑長。
八斗已聞傳姓氏，一枝何足計行藏。
聲名官職應前定，且把旌麾一作紅旌入醉鄉。

答友人

詩家才子酒家仙
遊宦曾依積水邊
窗戶動搖三島樹
琴尊安穩五湖船
羅浮道士分瓊液
錦席佳人艷楚蓮
今日相逢朗吟罷
滿城砧杵一燈前

送張又新除温州

東晉江山稱永嘉
莫辭紅旆向天涯
凝絃夜醉松亭月
歇馬曉尋溪寺花
地與剡川分水石
境將蓬島共一作接
煙霞却愁明詔徵
非晚不得秋來一作乘秋
見海槎

送滕邁郎中赴睦州

郡齋秋盡一江橫，頻命郎官地更清。
星月去隨新詔動，旌旗遙映故山明。
詩尋片石依依晚，帆挂孤雲杳杳輕。
想到釣臺逢竹馬，只應歌詠伴猿聲。

送剡客

一作薛
逢詩

兩重江外片帆斜，數里林塘遠一家。
門掩右軍餘水石，路橫諸謝舊煙霞。
扁舟幾處逢溪雪，長笛何人怨思一作
柳花若到一作天台洞，陽觀葛洪丹井在雲涯。
一作崖

李先輩擢第東歸有贈送

一作薛
逢詩

金榜前頭無是非，平人分得一枝歸。
正憐日煖雲飄路，何處宴迴風滿衣。
門掩長淮心更遠，渡連芳草馬如飛。
茂陵自笑猶多病，空有書齋在翠微。

送同年鄭祥先輩歸漢南

時恩門相公鎮山南

年來驚喜兩心知，高處同攀次第枝。
人倚繡屏閒賞夜，馬嘶花徑醉歸時。
聲名本是一一作文章，得藩閩一作曾。
勞筆硯隨家去，恩門四千里只應從此夢旌旗。

送沈單作尉江都

一作許渾詩

煬帝都城春水邊
笙歌夜上木蘭船
三千宮女自塗地
十萬人家如洞天
焰焰花枝官舍晚
重重雲影寺牆連
少年作尉須矜慎
莫向樓前墜馬鞭

送李蘊赴鄭州因獻盧郎中

一作中丞 做

僕射陂西想到別
一作時滿川晴色見
旌旗馬融閒臥笛
聲遠王粲醉吟樓
影移幾日賦詩秋
水寺經年草詔一作
起白雲司唯君此
去人多羨却是恩
深自不知

送韓絳歸淮南寄韓綽先輩

島上花枝繫釣船
隋家宮畔水連天
江帆自落鳥飛外
月觀靜依春色邊
門巷草生車轍在
朝廷恩及雁行聯
相逢且莫一作問昭揚一作州事曾鼓莊盆對逝川

送薛耽先輩歸謁漢南

雲繞千峰驛路長
謝家聯句待檀郎
手持碧落新攀桂
月在東軒舊選牀
幾日旌幢延駿馬
到時冰玉動華堂
孔門多少風流處
不遣一作許顏回識醉鄉

送陳嘏登第作尉歸覲

千峰歸去舊林塘
溪縣門前即故鄉
曾把桂誇春里巷
重憐身稱錦衣裳
洲迷翠羽雲遮檻
露濕紅蕉月滿廊
就養舉朝人共羨
清資讓却校書郎

送裴延翰下第歸覲滁州

失意何曾恨解攜
問安歸去秣陵西
郡斜楊柳春風岸
山映樓臺明月溪
江上詩書懸素業
日邊門戶倚丹梯
一枝攀折回頭是
莫向清秋惜馬蹄

題崇聖寺簡雲端僧錄

卷五十四
暮塵飄盡客愁長，來扣禪關月滿廊。
宋玉逢秋空雪涕，淨名無地可容牀。
高雲覆檻千岩樹，踈磬含風一夜霜。
回首故園紅葉外，只將多病告醫王。

越中寺居寄上主人

野寺初容訪靜來，晚晴江上見樓臺。
中林有路到花盡，一日無人愁一作看竹迴。
自曬詩書經雨後，別留門戶為僧開。
苦心若是酬恩事，不敢吟春憶酒杯。

早出洞仙觀

露濃如水灑蒼苔
洞口煙蘿密不開
殘月色低當戶後
曉鐘聲迥隔山來
春生藥圃芝猶短
夜醮齋壇鶴未迴
愁是獨尋歸路去
人間步步是塵埃

題昭應王明府溪亭

靖節何須彭澤逢
菊洲松島水悠溶
行人自折門前柳
高鳥不離溪畔峰
曉渭度簷帆的的
晚原含雨樹重重
軒車過盡無公事
枕上一聲長樂鐘

贈王先生

太一真人隱翠霞
早年曾降蔡經家
羽衣使者峭於鶴

鳥爪侍娘飄若花
九鼎攔干歸一作窺馬齒
三山窈窕步

雲涯時因弟子偷
靈藥散落人間駐一作潤物華

贈道者

華蓋飄飄綠鬢翁
往來朝謁藥珠宮
幾年山下陰陽鼎
盡日澗邊桃李風
野跡似雲無處著
仙容如水與誰同
應憐有客外妻子
思在長生一顧一作諾中

王先生不別而去

仙翁歸袖拂煙霓一卷素書還獨攜
劔藥滿囊身不病抱琴何處鶴同棲
霓衣盡日看山坐搔首殘春向路迷
樹樹白雲幽徑絕短船空倚武陵溪

山陽盧明府以雙鶴寄遺白

一作伯

氏以詩回答

因寄和

緱山雙去羽翰輕應為仙家好弟兄
茅固枕前秋對舞陸雲溪上夜同鳴
紫泥封處曾回首碧落歸時莫問程
自笑滄江一漁叟何由似爾到層城

贈李秘書

束帶臨隨

一作隨

風氣調新孔門才業獨誰倫杉松韻冷

一作

靜雪溪暗鸞鶴勢高天路春美玉韞來休問價芳枝攀

去正無塵莫將芸閣輕科第須作人間

一作詞場

第一人

迴於道中寄舒州李珣相公

都無鄙吝隔塵埃昨日丘門避席來靜語乍臨清廟瑟

披風如在九層臺幾煩命妓浮溪棹再

一作每

許論詩注

酒杯從此微塵知感戀七真臺上

一作壇畔

望三台

舒州獻李相公

野人留得五湖船
丞相興歌郡國年
醉筆倚風飄澗雪
靜襟披月坐樓天
鶴歸華表山河在
氣返青雲雨露全
聞說萬方思舊德
一時傾望重陶甄

成名年獻座主僕射兼呈同年

拂煙披月羽毛新
千里初辭九陌塵
曾失玄珠求罔象
不將雙耳負伶倫
賈嵩詞賦相如手
楊乘歌篇李白身
除却今年仙侶外
堂堂又見兩三春

抒懷上歙州盧中丞宣州杜侍郎

東來珠履與旌旗前者登朝亦一時竹馬迎呼逢稚子
柏臺長告見男兒花飄舞袖樓相倚角送歸軒客盡隨
獨有賤夫懷感激十年兩地負恩知

山陽韋中丞罷郡因獻

笙歌只是舊笙歌腸斷風流奈別何照物二年春色在
感恩千室淚痕多盡將魂夢隨西去猶望旌旗暫一過
今日尊前無限思萬重雲月隔煙波

山陽即席獻裴中丞

早年天上見清塵，今日樓中醉一春。
暫肯剖符臨水石，幾曾焚筆動星辰。
瓊臺雪映迢迢鶴，蓬島波橫浩浩津。
好是仙家羽衣使，欲教垂涕問何人。

西峰即事獻沈大夫

松竹閒遊道路身，衣襟落盡往來塵。
山連謝宅餘霞在，水映_{一作應}琴溪_{一作金雞}。
舊浪春拂榻，從容今有地。酬恩寂
寞久無人，安知不及屠沽者。曾對青萍淚滿巾。

杜陵貽杜牧侍御一作題杜侍御別業

紫陌塵煙一作多不可尋南溪酒熟一披襟山高一作當畫

枕石牀隱一作穩泉落夜窗煙樹深白首尋人嗟一作羞問

計青雲無一作何路覓知音唯君懷抱安如一作閑于水

他日門牆許醉吟

下第後上李中丞

落第逢人慟哭初平生志業欲何如鬢毛灑盡一枝桂
淚血滴來千里書谷外風高摧羽翮江邊春在憶樵漁

唯應感激知恩地不待功成死有餘

湘東贈李副使員外

妙盡戎機佐上台少年清苦自霜臺馬嘶深竹閑宜貴
花拂朱衣美稱才早入半緣分務重晚吟多是看山迴
名高漸少翻飛伴幾度煙霄獨去來

寄淮南幕中劉員外

郎官何遜最風流愛月憐山不下樓三佐戎旃換朱紱
一辭蘭省見清秋桂生巖石本瀟灑鶴到煙空更自由

休向西齋久閒卧滿朝傾蓋是依劉

薛廷範從事自宣城至因贈

少年從事霍嫖姚來自楓林度柳橋金管別筵樓一作花

灼灼玉溪回首馬蕭蕭清風調真君輩知己風流滿
聖朝獨有故人愁欲死晚簷疎雨動空瓢

寄潯陽趙校書

簾下秋江夜影空倚樓人在月明中不將行止問朝列
唯脫衣裳與釣翁幾處別巢悲去燕十年回首送歸鴻

那應更結廬山社見說心閒勝遠公

贈李從貴

白馬嘶風何處還鞭梢拂地看南山珠簾捲盡不回首
春色欲闌休閉關花外鳥歸殘雨暮竹邊人語夕陽閒
知君舊隱嵩雲下巖桂從今幾更攀

贈陳正字

魯儒今日意何如名挂春官選籍初野艇幾曾尋水去
故山從此與雲疎吟憐受露花陰足行覺嘶風馬力餘

聞說晚心心更靜竹間依舊卧看書

洞庭寄所思

目斷蘭臺空望歸錦衾香冷夢來稀書中自報一作空有刀

頭約天上三癩一作看破鏡飛孤浪謾疑紅臉笑輕雲忽

似舞羅衣遙知不語坐相憶寂寞洞房寒燭微

代人贈杜牧侍御宣州會中

郎作東臺御史時妾長西望斂雙眉一從詔下人皆羨
豈料恩衰不自知高闕如天紫曉夢華筵似水隔秋期

坐來情態猶無限更向樓前舞柘枝

旅館聞雁別友人

路遠秋塘首獨搔背羣燕雁正呼號故關何處重相失
碧落有雲終自高旅宿去緘他日恨單飛誰見一作此
生勞行衣濕盡千山雪腸斷金籠好羽毛

泊鳧磯江館

風雪晴來歲欲除孤舟晚下意何如月當軒色湖一作潮

平後雁斷雲聲夜一作客起初傍晚管絃何處靜犯寒楊

柳遶津疎三間茅屋東溪上歸去生涯竹與書

春盡獨遊慈恩寺南池

竹外池塘煙雨收送春無伴亦遲留秦城馬上半年客
潘鬢水邊今日愁氣變晚雲紅映闕風含高樹碧遮樓
杏園花落遊人盡獨為圭峰一舉頭

重遊楚國寺

往事飄然去竟一作不迴空餘山色在樓臺池塘風春一作

暖雁尋去松桂寺一作樹高人獨來莊叟著書真達者賈

生揮涕信悠哉老僧心地閒於水猶被流年日日白一作
催

三像寺酬元秘書

官總芸香閣署崇可憐詩句落春風偶然侍坐水聲裏
還許醉吟松影中車馬照來紅樹合煙霞詠盡翠微空
不因高寺閒回首誰識飄飄一作一塞翁

獻淮南李僕射

早年曾謁富民人一作侯今日難甘失鵠羞新諾似山無

力負舊恩如水滿身流馬嘶紅葉蕭蕭晚日照長江
灑秋功德萬重知不惜一言拋得百生愁

江亭晚望

碧江涼冷雁來疎間望江雲思有餘秋館池亭荷葉歇
野人籬落豆花初無愁自得仙翁術多病能忘太史書
聞說故園香稻熟片帆歸去就鱸魚

贈曹處士幽居

勾漏先生冰玉然曾將八石問羣仙中山暫醉一千日

南苑往來三百年
碁局不收花滿洞
霓旌欲別浪翻天
何須更學鴟夷子
頭白江湖一短船

重陽日示舍弟

時在吳門

多少鄉心入酒杯
野塘今日菊花開
新霜何處雁初下
故國窮秋首正迴
漸老向人空感激
一生驅馬傍塵埃
侯門無路提攜爾
虛共扁舟萬里來

客至

一作許渾詩

得路逢津更俊才
可憐鞍馬照春來
殘花幾日小齋閑

大笑一聲幽抱開
袖拂碧溪寒繚繞
冠歌紅樹晚裴回
相逢少別更堪恨
何必秋風江上臺

御定全唐詩卷五百四十九